

**SUB: BODO
CODE: 092
2020-21
CLASS-X**

**SECTION-A
(READING COMPREHENSION)**

गाहायाव होनाय **A**, आरो **C**्खोन्दोनि सॉथिफोरखौ मोजाडै फराय आरो सॉनाय बादि फिन हो:

A (सॉथि नं 1. निप्राय 5. सिम)

तिवाफोरा गोदोनिफ्रायनो आसामाव रायजो जाबोनाय मोनसे सुबुंहान्जा । रावारि बिथिंनिफ्राय बिसोर इण्ड'-चीननि सिङाव थानाय तिब्बत बर्मी रीन-हान्जा फोलेरनि गेदेर बड' दालाइनि सुबुं । तिवाफोरखौ दातिअलीया, पाहारीया आरो थल'वाली होनना मोनथाम बाहागोयाव राननाय जायोब्लाबो गुवारै दासान्दि हाजायारि आरो हायेनारि महरै मोननै बाहागोयाव राननाय जायो । जारिमिन बिलाइयाव तिवाफोरनि जायगाया गोसो होथाव । तिवा बीर ज'डाल बलहुआ जारिमिन लिरनायनि सिगां मुगानि सासे खिरिमिनारि राजा । 1835 ख्रीः आव ग'भा राजाया साथाम ब्रिटिछखौ हमना लाबोनानै काली मोदाइजोनि सिगाङाव बोलि होनानै इंराजनि फाखनाव गोग्लैनानै राज्यो खोमानो गोनां जादोंमोन । आसामनि गिबि आबाद बिग्रायनाय “फुलगुरि धेवा” नि जोनोम होगोरि आरो दैदेनगिरिया तिवाफोरानोमोन ।

1. तिवा रावा बबे राव हानजानि दालाइ राव ?

- क. पालि रावनि
- ख. तिब्बत बर्मी रावनि
- ग. असमिया रावनि
- घ. आर्य रावनि

2. तिवाफोरनि मा मा गाहाय बाहागोफोराव राननाय जादों ?

- क. दातिअलीया
- ख. पाहारीया
- ग. थल'वाली
- घ. गोजौनिफोरा गासैबो

3. ज'डाल बलहुआ सोर मोन ?

क. तिवा खिरमिनारि राजा

ख. तिवा जोहोलावजो

ग. तिवा राजखुंगि

घ. तिवा आबादारि

4. ग'भा राजाया साथाम ब्रटिछखौ हमना लाबोनानै सोर मोदाइजोनि मुडे बोलि होदोंमोन ?

क. दुर्गा मोदाइजो

ख. काली मोदाइजो

ग. लोखि मोदाइजो

घ. पार्बति मोदाइजो

5. “फुलगुरि धेवा” आ मा ?

क. तिवाफोरनि दोरों हाबा

ख. तिवा राजा

ग. आबाद बिग्रायनाय

घ. गोजौनि मोनसेबो नंडा

B. (सोंथि नं 6. निक्राय 10. सिम)

बर'फोरहा गावनि गोर्खों राव दड | बे रावा भारत संविजिरनि दाइनथि फारियाव गनायजानाय राव | बेयो बर'फोरनि बिमा राव आरो बेखौनो बर' राव होनना बुडो | बर'फोरा गोजौ मान थाखोनि आरो गोनोखोआरि सोदोब बाखि दड | बर' रावा जाबाय चीन-तिब्बत बर्मी राव फोलेरनि गाहाय दालाय राव | पण्डितफोरनि बादिब्ला तिब्बतीय रावनि मोननै गाहाय रावा जाबाय - तिब्बत बर्मीय आरो टाइ-चीन राव | बर' रावा आसामनि डिमासा आरो तिवा, मेघालयनि गार', आरो त्रिपुरानि कक'बरक रावजों खाथि सोमोन्दो दड | इं 1963 मायथायाव बर' रावआ गुदि थाखोयाव बिजौं महरै गनायथि मोनो आरो 1968 मायथायाव गोजौ फरायसालि थाखोयाव सोसनजायो | बेनि अनगायैबो 1977 मायथायाव गुवाहाटी मुलुग सोलोंसालिया भारतारि गोदान राव महरै थिसनो | 1984 मायथाइनिक्राय बर'रावखौ आसामनि राज्योआरि राव महरै गनायथि होयो | दासानदि बर' रावा गुवाहाटी, बड'लेण्ड, डिब्रुगर आरो कटन मुलुग सोलोंसालिनि मोनसे आबुं बिफान महरै जायगा आवग्रिनानै दड |

6. बर' रावा भारत संविजिरनि बबे फारियाव गनायजानाय राव ?

क. ब्रैथि

ख. बाथि

ग. डाइनथि

घ. ड'थि

7. तिब्बतीय रावनि मोननै गाहाय रावा मा मा ?

क. तिब्बत बर्मीय आरो टाइ-चीन

ख. तिब्बत बर्मीय आरो टाइ-फाके

ग. तिब्बत बर्मीय आरो टाइ-खामति

घ. गोजौनिआ गासैबो

8. बबे माइथायाव बर' रावआ गुदि थाखोयाव बिजौं महरै गनायथि मोनो ?

क. 1968

ख. 1967

ग. 1963

घ. 1977

9. बर' रावा मेघालय आरो त्रिपुरानि बबे रावजौं बखाथि सोमोन्दो दड ?

क. कक'बरक आरो डिमासा

ख. डिमासा आरो तिवा

ग. गार' आरो काबि

घ. गार' आरो कक'बरक

10. 1984 मायथाइनिफ्राय बबे रावखौं आसामनि राज्योआरि राव महरै गनायथि होदोंमोन ?

क. असमिया

ख. बर'

ग. डिमासा

घ. तिवा

c. (सोंथि नं 11. निफ्राय 15. सिम)

बर' रावनि मोसानाय सोदोबा जोबोर ॲंथि गोनां । बे सोदोबा 'मोदोम' आरो 'सानाय' – बे मोननै उदां सोदोबनि दाजाबनायाव सोमजिदों । मोदोमनि ॲंथिया जाबाय 'देहा' आरो सानायनि ॲंथिया 'साफ्रेनाय एबा साफोननाय' थामहिनबा बायदेमलाय-सिदेमलाय महर गोनां फाव-फेसनजॉं

मोदोमखौ साफेनाय-सुफेनायानो जाबाय मोसानाय | बर' मोसानायनि गाहाइ फुंखा एबा बिथाफोरा जाबाय दोहोरोमारि, समाजारि रंजाथायारि आरो जिठ खुंनाय राहा | दोहोरोमारिया जाबाय खेराइ मोसानाय, समाजारिया हाबा जानाय आरो थाख्रिफाल्ला, बैसागु रंजानाय आरो फुथिल हाबाय रंजाथायारि | आथिखालनि बर' मोसानाय बुडोब्ला गाहायै मोन द' मोसानायखौ फोरमायनाय जायो | जेरै – खेराइ मोसानाय, बागुरुम्बा मोसानाय, हाबा जानाय मोसानाय, बैसागु मोसानाय, राइजो जानाय मोसानाय आरो गोदान बर' मोसानाय | बर' मोसानायफोरा मिथिंगायारि (Natural) मोसानाय | बेनि थाखायनो बर' मोसानायाव मोसानायनि गोनोखोगिरिफोरा थि खालामनाय आखल आखु थाया |

11. 'मोदोम' आरो 'सानाय' सोदोबनि दाजाबनायाव सोमजिनाय सोदोबा मा ?

- क. साफेनाय
- ख. मोसानाय
- ग. साफेननाय
- घ. बायदेमलाय

12. बर' मोसानायनि मोननै गाहाइ फुंखाफोरा मा मा ?

- क. दोहोरोमारि
- ख. जिठ खुंनाय राहा
- ग. गोजौनि मोननैबो
- घ. मोनसेबो नडा

13. थाख्रिफाल्ला मोसानाया बर'नि बबे मोनसे मोसानायनि गाहाइ बिथा ?

- क. दोहोरोमारि
- ख. समाजारि रंजाथायारि
- ग. दौदिनि
- घ. जिठ खुंनाय राहा

14. बर' मोसानायखौ मोनबैसे बाहागोआव मोननो हायो ?

- क. मोनद'
- ख. मोनस्नि
- ग. मोनडाइ
- घ. मोनबा

15. मा जाहोननि थाखाय बर' मोसानायाव मोसानायनि गोनोखोगिरिफोरा थि खालामनाय आखल आखु थाया ?

- क. दोरोडारि
- ख. रमान्टिक
- ग. मिथिंगयारि
- घ. घोरोमारि

SECTION-B (WRITING COMPOSITION)

16. सल' माखौ बुडो ?

- क. खनसे जिरायगासेयावनो फरायजोबनो हानाय
- ख. गोसोनि सानबोलावरिजों लिरनाय सल' गोनां थुनलाइ
- ग. सल'मानिखुरैबो गोलावसिन थुनलाइ
- घ. क. आरो ख. मोननैबो थार

17. गाहायनि बबे मोनसेया सल' नि थादेरसा ?

- क. मोसानाय
- ख. सल'बिथा
- ग. दामनाय-देनाय
- घ. फाव खालामनाय

18. सल'फोराव मा मा सावगारिया बेरखांनो हायो ?

- क. समाजनि सावगारि
- ख. मानसिनि जिठनि सावगारि
- ग. जिब-जुनारनि सावगारि
- घ. गोजौनि गासैबो थार

19. बर'नि गिबिसिन सुंद' सल'नि मुडा मा ?

- क. आबै-आबौनि सल'
- ख. दुमफावनि फिथा
- ग. आबारि

घ. हारावनि साइकेल

20. सल' आ बेसेबां सोदोबनि गोलाव जानांगौ ?

क. 5,000 –10,000 सोदोबनि

ख. 2500-4000 सोदोबनि

ग. 2000-3000 सोदोबनि

घ. 3000-7000 सोदोबनि

21. गाहायनि बबेयो सल लिरगिरिनि मोनसे मोजां आखु ?

क. गोसोबादि लिरनो हानाय

ख. राव आरो सोदोब बाख्त्रिनि सायाव गुवार गियान

ग. गोसोनि बाथाखौ फोरमायनो हानाय

घ. मोनसेबो नडा

22. सल लिरग्राखौ बर रावाव मा बुडो ?

क. सलमागिरि

ख. थुनफावथाइगिरि

ग. सलगिरि

घ. फावगिरि

23. दाइरि एबा सानरेब लिरनाय आ मा ?

क. सानसेनि गेजेराव मावनायनि सायाव सुंदयै फोरमायना लिरनाय

ख. सानसेनिखुरै बांसिन सान मावनायनि सायाव सुंदयै फोरमायना लिरनाय

ग. से दाननि मावनायनि सायाव सुंदयै फोरमायना लिरनाय

घ. गोजौनि मोनसेबो नडा

24. गावारि दाइरि (personal diary) आव सासे मानसिनि मा मा बाथाया बेरखांडो ?

क. जिउनि मावमोनथाइ

ख. मोनदांथि

ग. गोसोनि साननाय

घ. गोजौनि गासैबो थार

25. दाइरि सोदोबा बबे रावनिफ्राय फैनाय ?

क. फ्रान्स सोदोब Diurnus निफ्राय

ख. लेटिन सोदोब Diarium निफ्राय

ग. ग्रिक सोदोब Dies निफ्राय

घ. गोजौनि गासैबो थार

26. गाहायनि बबे मोनसेया दाइरिनि आखुथाइ ?

क. सुबुं हारिनि जितनि बाथाफोरा रोखायै बेरखांनांगोन

ख. सुबुं हारिजॉ लोगोसे जिब-जुनारनि बाथाफोराबो गाहाय जायगा लायो

ग. सुबुं हारिनि बिम्सबि

घ. क. आरो ग. मोननैबो थार

27. दाइरि लिरनो मा मा बिथिंखौ मख'नांगौ जायो ?

क. अक्त'

ख. बार एबा सान

ग. सम

घ. गोजौनि गासैबो थार

28. दाइरि लिरनायनि थांखि आ मा ?

क. जितनि जाथायफोरखौ दोनथुमनो

ख. हारिमुनि सावगारिखौ दोनथुमनो

ग. जितनि गाज्जि बिथिंखौ गुबुननो फोरमायनो

घ. संसार जानायनि बाथा फोरमायनो

29. दाइरि लिरनायनि गोनांथिआ मा?

क. दाइरिनि गेजेरजॉ सुबुंनि जितनि थार जाथायफोरखौ मोनथिनो हायो

ख. दाइरिआ सुबुंनि जितनि आयना

ग. सुबुं जित जारिमिन

घ. गासैबो थार

30. मिथिसार बिलाइ आ मा ?

क. गुबै बाथाखौ फोरमायनो गुसुडै लिरनाय

ख. गुवारै फोरमायना लिरनाय

ग. बाथाखौ बेखेवनानै लिरनाय

घ. गोजौनि मोनसेबो नंडा

31. गाहायनि बबे मोनसेआ मिथिसार बिलाइनि थादेरसा ?

- क. बिथा
- ख. आयदानि मुं

ग. आखल
घ. बाथा रायजलायनाय

32. मिथिसार बिलाइखौ मानो बाहायो ?

- क. रादाब खोन्थाहरनो
 - ख. गावनि बाथा फोरमायनो
 - ग. खौरां दैथाइहरनो
- घ. समाजनि बाथा फोमायनो

33. मिथिसार बिलाइआ बेसेबां सोदोबनि गोलाव जानांगौ ?

- क. 40 निप्राय 50 सोदोब
 - ख. 10 निप्राय 30 सोदोब
 - ग. 50 निप्राय 80 सोदोब
- घ. 30 निप्राय 60 सोदोब

34. मिथिसार बिलाइनि गोनांथिआ मा ?

- क. खौरां हरनो
 - ख. मोजां-गाज्जि मोनथिहोनो
 - ग. मोन्नैबो क. आरो ख. आ थार
- घ. गोजौनि मोनसेबो नंडा

35. रादाब बिलाइआ मा ?

- क. हादरनि बायदिसिना खौरांनि फुंखा
 - ख. समाजनि थार जाथायनि बागौ मोनथिहोनो हानाय बिजौं
 - ग. हारि-माहारिनि राव, थुनलाइ आरो हारिमुखौ गोसार होनोहानाय बिजौं
- घ. गोजौनि गासैबो थार

36. रादाब बिलाइफोरा हारिनि गेजेराव माबादि गोहोम खोखलैयो ?

- क. सुबुं हारिखौ मोजा-गाज्जिनि सायाव सांग्रां खालामो
- ख. हारि-माहारिखौ खौसेथि खालामनो हायो

ग. मोन्नैबो क. आरो ख. आ थार

घ. सुबुं हारिखौ खैफोदाव खोखलैयो

37. गाहायनि बबे मोनसेआ रादाब बिलाइ लिरगिरिनि मोनसे मोजां गुण ?

क. बयखौबो समानै नायनो एबा बोजबनो हानाय

ख. गावनि गोसो बादियै लिरनाय

ग. नंखाइ बाथाखौबो खौरां बानायनो हानाय

घ. हादरनि बेरेखा खामानि मावनो हानाय

38. रादाब बिलाइआ मा मा बिथिंनि सायाव सोनारनांगौ जायो ?

क. सुजुगिरि

ख. लिरगिरि

ग. रादाब बुथुमगिरि

घ. गोजौनि गासैबो थार

39. बर'नि गिबिसिन रादाब बिलाइनि मुडा मा ?

क. हालालि

ख. बड'सा

ग. बनजार

घ. इंखं

40. दावबायनायनि सोमोन्दै लिरनाय थुनलाइआ मा बिथिंजौ थोंजौँडै सोमोन्दो थायो ?

क. सुबुं हारिजौं

ख. जिब-जुनारजौं

ग. समाज-खान्थिजौं

घ. राजखान्थिजौं

41. दावबायनायनि लिरनाय थुनलाइआ मा ?

क. हान्थिनानै मोननाय मोनफिथाइ

ख. गुबुन गुबुन थावनि बेरायनायनि फिथाइ

ग. मोन्नैबो क. आरो ख. आ थार

घ. मोन्नैबो गोरोन्थि

42. दावबायनायनि थुनलाइनि मोनसे आखुथाया मा ?

- क. लिरगिरिया गुबुननि हेफाजाबजॉं लिरो
- ख. लिरगिरिया गावनो हान्थिनानै मोननाय रोंगौथिजॉं लिरनांगोन
- ग. लिरगिरि आरो फरायगिरिनि गेजेराव सोमोन्दो थानांगोन
- घ. लिरगिरिया गुबुननि बिजाबनि हेफाजाब लानांगोन

43. दावबायनायनि थुनलाइनि थांखिआ मा ?

- क. सुबुं हारिनो बुहमनि थावनि एबा मिथिंगानि सोमोन्दै गियान होनाय
- ख. समाजनि खामानिफोरनि बागै गियान होनाय
- ग. समाजखौं खौसे खालामनाय
- घ. दोहोरोमनि फारसे गियान होनाय

44. दावबायनाय मोनफिथाइखौं मा मा महरै लिरनानै दोननो हायो ?

- क. बिजाब महरै
- ख. सानरेब महरै
- ग. लाइसि महरै
- घ. गोजौनि गासैबो थार

45. मिथिसार बिलाइखौं मा मा बाहागोआव मोननो हायो ?

- क. सोरखारि(Government)
- ख. गावारि(Private)
- ग. सोलौंथायारि(Educational)
- घ. गोजौनि गासैबो थार

46. रादाबखौं मानो फरायो ?

- क. हादोरनि खौरां मोननो
- ख. दोरोंडारि गियान मोननो
- ग. सानफ्रोमबोनि जाथाइनि बागै मोनथिनो
- घ. मोन्नैबो क. आरो ग. आ थार

47. दाब दाब थावनिआव थांनानै खौरां बुथुमग्रा सुबुंखौं मा बुडो ?

- क. रादाबगिरि
- ख. खौरांगिरि
- ग. लिरगिरि

घ. महरगिरि

48. गाहायनि बबे मोनसेआ बर'नि रादाब ?

क. आमार असम

ख. नोजोर

ग. हालालि

घ. प्रतिदिन

49. “चीना नि-हाव आरो चिये-चिये” दावबायनाय बिजाबनि लिरगिरिया सोर ?

क. जगेश देत्री

ख. नबीन मल्ल' बर'

ग. बिजय बागलारि

घ. उथिसार खुंगुर बसुमतारी

50. डॉ अनिल बर'नि “आंनि दावबायनायनि दाइरि” आ बेसेबां माइथायाव ओंखारदोंमोन ?

क. 2020

ख. 2018

ग. 2015

घ. 2017